

Ո Ր Ո Շ ՈՒ Մ Թ Ի Վ 25

/գույքի վրա արգելանք դնելու վերաբերյալ/

«01» ապրիլի 2024թ.

ք. Երևան

Հայաստանի Հանրապետության պետական եկամուտների կոմիտեի Երևանի մաքսային սպասարկման կենտրոն-մաքսատուն, վարչության պետի տեղակալ Աղասի Աղայանս, ուսումնասիրելով «Ար.Տոբակո» ՍՊ ընկերության (ՀՎՀՀ՝ 90002836, հասցեն՝ ԱՀ, ք. Ստեփանակերտ, Ա.Առաքելյան փող. 24, տնօրեն՝ Համլետ Վազենի Վաչենանց) կողմից վճարման ենթակա հետաձգված ԱԱՀ-ի գումարների գանձման նպատակով հարուցված վարչական վարույթների նյութերը,

Պ Ա Ր Զ Ե Ց Ի

«Ար.Տոբակո» ՍՊ ընկերության կողմից թիվ 05100010/240221/0007989 ապրանքների հայտարարագրով «Ներքին սպառման համար բացթողում» մաքսային ընթացակարգով հայտարարագրվել են ապրանքներ: Օրենքով սահմանված կարգով ԱԱՀ-ի վճարումը հետաձգվել է երեք տարի ժամկետով՝ մինչև 24.02.2024 թվականը, սակայն ընկերության կողմից ԱԱՀ-ի վճարումը սահմանված ժամկետում չի կատարվել:

ՀՀ ՊԵԿ Երևանի մաքսային սպասարկման կենտրոն-մաքսատուն, վարչության պետի տեղակալի 13.03.2024 թվականի թիվ 27 որոշման համաձայն՝ «Ար.Տոբակո» ՍՊ ընկերությունից ենթակա է գանձման ընդհանուր **5,357,519 ՀՀ դրամ**՝ որպես հետաձգված ԱԱՀ-ի և դրա նկատմամբ հաշվարկված տույժի գումարներ:


Մաքսային վճարների գանձման նպատակով հարուցված վարչական վարույթի նյութերում առկա փաստաթղթերի ուսումնասիրության արդյունքում պարզվել է, որ ներմուծված ապրանքները գտնվում են «Ար.Տոբակո» ՍՊ ընկերության տիրապետման տակ, և վերջինս մինչ օրս դրանց համար չի վճարել 5,357,519 ՀՀ դրամի չափով մաքսային վճարները, չի տրամադրել մաքսային վճարների վճարման որևէ երաշխիք, ուստի առկա են բավարար հիմքեր ենթադրելու, որ ընկերությունը կարող է թաքցնել, փչացնել կամ սպառել վարչական ակտի կատարման համար անհրաժեշտ գույքը:

Ելնելով վերոգրյալից և ղեկավարվելով «Վարչարարության հիմունքների և վարչական վարույթի մասին» ՀՀ օրենքի 88-րդ հոդվածի 2-րդ մասի դրույթներով՝

Ո Ր Ո Շ Ե Ց Ի

- Վարչական ակտի կատարումն ապահովելու նպատակով արգելանք դնել «Ար.Տոբակո» ՍՊ ընկերությանը պատկանող գույքի և դրամական միջոցների վրա՝ **5,357,519 (հինգ միլիոն երեք հարյուր հիսունյոթ հազար հինգ հարյուր տասնինը) ՀՀ դրամի** չափով:
- Որոշման մասին օրենքով սահմանված կարգով իրազեկել «Ար.Տոբակո» ՍՊ ընկերությանը:
- Որոշումն ուղարկել ՀՀ ԱՆ հարկադիր կատարումն ապահովող ծառայություն՝ կատարման:

ԵՐԵՎԱՆԻ ՄԱՔՍԱՅԻՆ ՍՊԱՍԱՐԿՄԱՆ
ԿԵՆՏՐՈՆ-ՄԱՔՍԱՏՈՒՆ, ՎԱՐԶՈՒԹՅԱՆ
ՊԵՏԻ ՏԵՂԱԿԱԼ



ԱՂԱՍԻ ԱՂԱՅԱՆ